

**BOSNA I HERCEGOVINA**  
**FEDERACIJA BOSNE I HERCEGOVINE**  
**FEDERALNI ZAVOD ZA STATISTIKU**

**TROGODIŠNJI PLAN RADA**  
**FEDERALNOG ZAVODA ZA STATISTIKU**  
**ZA PERIOD OD 2015 - 2017**

**Decembar 2014, Sarajevo**

## Opis nadležnosti institucije

Službena statistika Federacije Bosne i Hercegovine uređena je Zakonom o statistici u Federaciji Bosne i Hercegovine („Službene novine Federacije BiH“ broj 63/03 i 9/09).

Nadležni federalni organ za poslove službene statistike u Federaciji BiH je Federalni zavod za statistiku, koji organizuje i vrši statistička istraživanja od interesa za Federaciju BiH.

Federalni zavod za statistiku vrši stručne i druge poslove iz nadležnosti Federacije BiH koji se odnose na statistička istraživanja u Federaciji BiH, a naročito na: utvrđivanje jedinstvene metodologije statističkih istraživanja, jedinstvene statističke standarde, razvijanje jedinstvenog statističkog sistema kao dijela jedinstvenog sistema informisanja; uvođenje i vođenje administrativnih i statističkih registara (prostornih jedinica, stanovništva, preduzeća i sl.), evidencije propisane zakonom, razmjenjivanje statističkih podataka sa drugim državama i međunarodnim organizacijama proisteklih iz obaveza utvrđenih međunarodnim ugovorima i u skladu sa zakonom na državnom nivou kojim se uređuje ovo pitanje.

Zakon o statistici u Federaciji BiH pruža pravni okvir za organizaciju statistike, počevši od djelokruga rada, izvora podataka, izvještajnih jedinica, metodologija i standarda koji će se koristiti za proizvodnju statističkih podataka, rokova dostavljanja podataka za izvještajne jedinice, kao i rokova za realizaciju statističkih aktivnosti. Federalni zavod za statistiku u skladu sa načelom neutralnosti, objektivnosti i stručne neovisnosti, samostalno i profesionalno odlučuje o metodama i načinu prikupljanja, obrade, čuvanja i prezentiranja statističkih podataka.

Statistička istraživanja, u okviru svog djelokruga rada organiziraju i vrše i drugi ovlašteni proizvođači statistike. Odnosi između Federalnog zavoda za statistiku i ovlaštenih proizvođača statistike zasnivaju se na obaveznoj međusobnoj saradnji, obavještavanju i koordinaciji.

Sredstva potrebna za realizaciju statističkih aktivnosti osigurana su u Budžetu Federacije BiH.

## Opis okruženja u kojem radi institucija, karakteristike sektora i unutrašnje prilike

Federalni zavod za statistiku je samostalna upravna organizacija za poslove statistike u Federaciji Bosne i Hercegovine, koja na nepristrasan i stručan način proizvodi statističke podatke i iste dostavlja svim grupama korisnika, od Vlade i drugih organa i institucija do najšire javnosti.

Zavod ima šest sektora i deset kantonalnih službi i ureda. Sektori sa pripadajućim odsjecima su sljedeći:

1. Sektor poslovnih statistika - u okviru ovog sektora djeluje šest odsjeka koji provode statistička istraživanja i aktivnosti iz oblasti: poljoprivrede, šumarstva, ribarstva i okoliša; industrije, građevinarstva i energije; usluga i vanjske trgovine; strukturnih poslovnih statistika; te aktivnosti na održavanju poslovnog statističkog registra i registra prostornih jedinica.
2. Sektor za statistiku stanovništva i društvene statistike - u okviru ovog sektora djeluju četiri odsjeka koji provode statistička istraživanja i aktivnosti iz oblasti: statistike stanovništva; statistike tržišta rada; statistike životnih uslova i statistike razvoja društva.
3. Sektor ekonomskih statistika - u okviru ovog sektora djeluju dva odsjeka koji provode statistička istraživanja i aktivnosti iz oblasti: statistike nacionalnih računa i statistike cijena.
4. Sektor za publicistiku i diseminaciju - u okviru ovog sektora djeluju dva odsjeka koja su zadužena za odnose s javnošću i biblioteku; kao i za publikovanje i diseminaciju podataka.
5. Sektor za pravne, kadrovske, finansijsko-računovodstvene i opće poslove - u okviru ovog sektora djeluju dva odsjeka koja su zadužena za pravne, kadrovske i opće poslove, za finansijsko-računovodstvene poslove, kao i pisarnica.
6. Sektor za informaciono-komunikacione tehnologije i statističke metode - u okviru ovog sektora djeluju četiri odsjeka koji su zaduženi za održavanje informacionog sistema i tehničku podršku, statističke metode i koordinaciju, razvoj aplikacija za unos podataka i za razvoj baza podataka i podršku diseminaciji.

Kantonalne službe i uredi, kao organizacione jedinice, prikupljaju potrebne podatke od kantonalnih organa uprave i drugih institucija, kao i gradskih, odnosno općinskih službi za upravu, i svih drugih pravnih i fizičkih lica koja su određena kao izvještajne jedinice.

Pravilnikom o unutrašnjoj organizaciji Federalnog zavoda za statistiku, koji je usvojen 13.06.2013. godine, sistematizirana su 264 radna mjesta od čega 8 rukovodećih državnih službenika, 178 ostalih državnih službenika, 78 namještenika i 1 savjetnik direktora (ukupno 265). Popunjenost radnih mjesta utvrđenih sistematizacijom, procentualno iznosi 68,18 %. Na dan 31.12.2014. godine u Federalnom zavodu za statistiku je bilo zaposleno 180 radnika.

## **Izjava o viziji i misiji institucije**

### **Misija**

Misija Federalnog zavoda za statistiku je obezbjeđivanje i diseminacija kvalitetnih, pouzdanih i međunarodno uporedivih statističkih podataka, koji zadovoljavaju potrebe donosilaca odluka, istraživača i ostalih domaćih i stranih korisnika i odražavaju stanje i promjene u ekonomskom, demografskom i socijalnom području, području životne sredine i prirodnih resursa.

Prikupljanje, obrada, analiza i diseminacija statističkih podataka vrši se na osnovu statističkih standarda i savremene tehnologije, uz zaštitu statističke povjerljivosti, optimalno korišćenje resursa i razumno opterećenje davalaca podataka.

### **Vizija**

Federalni zavod za statistiku jačanjem svojih stručnih i infrastrukturnih kapaciteta i usvajanjem i primjenom najbolje statističke prakse postiže usklađenost sa međunarodnim statističkim standardima i načelima Kodeksa prakse europske statistike, poštujući fundamentalne vrijednosti kao što su stručnost, nezavisnost, nepristrasnost i otvorenost. Korisnicima se pod jednakim uslovima pružaju relevantni i visokokvalitetni statistički podaci i usluge, a opterećenje davalaca podataka je na razumnom nivou i proporcionalno je potrebama korisnika.

Svrha djelovanja statističkog sistema u Federaciji BiH je prikupljanje, obrada, prezentovanje i arhiviranje statističkih podataka na području Federacije BiH, kako bi se na osnovu istih omogućio što realniji prikaz društvenog i ekonomskog stanja u Federaciji BiH.

**Opis i pregled strateških ciljeva koji proizilaze iz nadležnosti institucije, i odgovarajućih strateških dokumenata čijoj realizaciji programi i aktivnosti iz trogodišnjeg Plana doprinose**

Strateški ciljevi Federalnog zavoda za statistiku utvrđeni su na osnovu Programa provođenja statističkih istraživanja od interesa za Federaciju BiH za period 2013 – 2016, Strategije razvoja statistike BiH 2020, Strategije integracije Bosne i Hercegovine u EU (2006) i višegodišnjeg Programa Eurostata 2013 – 2017.

**Strateški cilj 1 - Obezbjediti relevantne i pouzdane statističke podatke u skladu sa međunarodnim standardima**

Ovaj strateški cilj obuhvata proizvodnju pouzdanih statističkih podataka usklađenih sa međunarodnim standardima, kroz provođenje statističkih istraživanja iz oblasti: Demografskih i socijalnih statistika, Poslovnih statistika, Makroekonomskih statistika, statistike Poljoprivrede, šumarstva i ribarstva i Multidomenskih statistika; kao i provođenje anketnih istraživanja, kao što su: Anketa o radnoj snazi (ARS), Anketa o potrošnji domaćinstava (APD), Popis poljoprivrede i objava finalnih rezultata Popisa stanovništva, domaćinstava i stanova 2013.

Demografske i socijalne statistike obuhvataju istraživanja iz oblasti: statistike stanovništva, statistike tržišta rada, statistike obrazovanja, statistika kulture, statistike zdravstva i zaštite, statistike socijalne zaštite, statistike pravosuđa, statistike polova i statistike raspodjele dohodka i uvjeta života.

Makroekonomske statistike obuhvataju istraživanja iz oblasti statistike nacionalnih računa, statistike cijena i statistike robnog prometa sa inozemstvom.

Poslovne statistike obuhvataju istraživanja iz oblasti: statistike industrije, građevinarstva i energije; strukturne poslovne statistike; statistike usluga, unutarnje i vanjske trgovine, statistike turizma i ugostiteljstva, transporta, skladištenja i komunikacija; vođenje i održavanje poslovnog statističkog registra.

Statistika poljoprivrede, šumarstva i ribarstva obuhvata istraživanja iz oblasti: poljoprivredne proizvodnje, poljoprivrednih struktura, statistike šumarstva i statistike ribarstva.

Multidomenske statistike obuhvataju istraživanja i aktivnosti iz oblasti: statistike okoliša, regionalnih i urbanih statistika, geografski informacioni sistem, statistike nauke i tehnologije, statistike informacionih i komunikacijskih tehnologija i račune za okoliš i klimatske promjene.

## **Cilj 2 - Unaprijediti i razviti statistički sistem u Federaciji BiH uz jačanje statističkih kapaciteta**

Ovaj strateški cilj obuhvata: diseminaciju statističkih podataka, pravnu i finansijsko-računovodstvenu podršku i informaciono – tehničku podršku, razvoj statističkih metoda i baza podataka i razvoj aplikacija za unos i obradu podataka.

### **Opis kriterija za određivanje prioriteta**

Kriteriji za određivanje prioriteta određeni su općim ciljevima Strategije razvoja statistike, čija realizacija će pridonijeti podizanju povjerenja u statistiku:

- Stvaranje preduvjeta za dalji dinamičan razvoj zvanične statistiku FBiH;
- Promovisanje uloge i značaja zvanične statistiku u društvu, što će inicirati njenu širu javnu upotrebu;
- Usmjeravanje razvoja zvanične statistiku u pravcu harmonizovanja standarda, klasifikacija, metodologija i statističke prakse sa međunarodnim standardima;
- Povećanje uporedivosti statistiku Federacije BiH sa statistikama drugih zemalja;
- Stvaranje osnova za dobijanje najznačajnijih statističkih pokazatelja.

Opći ciljevi će biti ostvareni implementacijom sljedećih strateških prioriteta:

#### 1. Poboljšanje učinkovitosti statistike Federacije BiH

Aktivnosti u okviru prioriteta:

- Jačanje koordinacijskih mehanizama i razmjene podataka između Federalnog zavoda za statistiku i Agencije za statistiku BiH, kao i između ostalih ovlaštenih proizvođača statistike,
- Rad na harmonizaciji statistike Federacije BiH sa međunarodnom legislativom, standardima i praksom i
- Korištenje administrativnih izvora za statističke namjene

#### 2. Jačanje prepoznatljivosti i povjerenja u zvaničnu statistiku

Aktivnosti u okviru prioriteta:

- Razvijanje saradnje sa davaocima podataka,
- Poboljšanje i dalji razvoj metode zaštite i upravljanja statističkim podacima i
- Jačanje stručne nezavisnosti i prepoznatljivosti statistike Federacije BiH

#### 3. Promovisanje šire upotrebe statističkih podataka među korisnicima

Aktivnosti u okviru prioriteta:

- Razvijanje i promovisanje dijaloga sa korisnicima,

- Promovisanje korištenja statističkih podataka putem poboljšanog pristupa do statističkim podacima i informacijama i
- Razvoj statističkih oblasti na osnovu saradnje sa unutrašnjim i međunarodnim okruženjem.

#### 4. Proizvodnja kvalitetne i korisniku razumljive statistike

Aktivnosti u okviru prioriteta:

- Uvođenje sistema upravljanja kvalitetom,
- Uspostavljanje okvira kvaliteta i izvještavanja o kvalitetu

#### 5. Optimizacija procesa i zadataka u statističkom proizvodnom procesu.

Aktivnosti u okviru prioriteta:

- Određivanje prioriteta u provođenju statističkih istraživanja i osiguranje odgovarajućih finansijskih resursa,
- Optimizacija procesa i ostvarivanje efikasne informacione podrške i
- Optimizacija unutrašnje organizacijske strukture i upravljanje ljudskim resursima

### **Procjena doprinosa konkretnih aktivnosti realizaciji strateških ciljeva**

Provođenjem statističkih istraživanja iz oblasti: Demografskih i socijalnih statistika, Poslovnih statistika, Makroekonomskih statistika, statistike Poljoprivrede, šumarstva i ribarstva i Multidomenskih statistika; kao i provođenjem anketnih istraživanja, obezbijedit će se relevantni i pouzdani statistički podaci, usklađeni sa međunarodnim standardima i nacionalnim potrebama, koji predstavljaju osnovni izvor podataka o u procesima donošenja odluka u uvjetima tržišne ekonomije, kao i za korištenje u naučno-istraživačkom i stručnom radu.

Strateški cilj 1:		Obezbijediti relevantne i pouzdane statističke podatke u skladu sa međunarodnim standardima								
Program		Aktivnost - projekat		Veza aktivnosti – projekta sa strateškim dokumentom	Nositelj (najmanji) organizacioni dio	Rok izvršenja	Budžet prve godine (KM)	Budžet druge godine (KM)	Budžet treće godine (KM)	Mjerljivi indikatori za izvršenje
1.1.	Proizvodnja statističkih podataka	1.1.1	Provođenje statističkih istraživanja iz oblasti Demografskih i socijalnih statistika	- Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od interesa za FBiH za 2015.	- Odsjek za statistiku stanovništva i registar - Odsjek za statistiku tržišta rada - Odsjek za statistiku razvoja društva	Konitnuirano (mjesečna, kvartalna i godišnja istraživanja)	1.429.129	1.421.541	1.382.951	Provedena statistička istraživanja iz oblasti Demografskih i socijalnih statistika  Proizvedeni pouzdani statistički podaci u skladu sa međunarodnim standardima i EU regulativama
		1.1.2	Provođenje statističkih istraživanja iz oblasti Poslovnih statistika	- Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016	- Odsjek za poslovne strukturne statistiku - Odsjek za statistiku industrije, građevinarstva i energije - Odsjek za statistiku usluga i vanjske trgovine	Konitnuirano (mjesečna, kvartalna i godišnja istraživanja)	1.502.418	1.494.442	1.453.872	Provedena statistička istraživanja iz oblasti Poslovnih statistika  Proizvedeni pouzdani statistički podaci u skladu sa međunarodnim standardima i EU regulativama



				- Plan provođenja statističkih istraživanja od interesa za FBiH za 2015.	- Odsjek za poslovni statistički registar i ekonomske klasifikacije					
		1.1.3	Provođenje statističkih istraživanja iz oblasti Makroekonomskih statistika	- Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od interesa za FBiH za 2015.	- Odsjek za statistiku nacionalnih računa - Odsjek za statistiku cijena - Odsjek za statistiku usluga i vanjske trgovine	Konitnuirano (mjesečna, kvartalna i godišnja istraživanja)	1.245.908	1.239.292	1.205.649	Provedena statistička istraživanja iz oblasti Makroekonomskih statistika  Proizvedeni pouzdani statistički podaci u skladu sa međunarodnim standardima i EU regulativama
		1.1.4	Provođenje statističkih istraživanja iz oblasti statistike Poljoprivrede, šumarstva i ribarstva	- Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih	- Odsjek za statistiku poljoprivrede, šumarstva, ribarstva i okoliša	Konitnuirano (mjesečna, kvartalna i godišnja istraživanja)	329.799	328.048	319.142	Provedena statistička istraživanja iz oblasti statistike Poljoprivrede, šumarstva i ribarstva  Proizvedeni pouzdani statistički podaci u skladu sa međunarodnim standardima i EU regulativama

				istraživanja od interesa za FBiH za 2015.						
		1.1.5	Provođenje statističkih istraživanja iz oblasti Multidomenskih statistika	<ul style="list-style-type: none"> <li>- Zakon o statistici u Federaciji BiH</li> <li>- Strategija razvoja statistike BiH 2020;</li> <li>- Program provođenja statističkih istraživanja od interesa za FBiH za period 2013-2016</li> <li>- Plan provođenja statističkih istraživanja od interesa za FBiH za 2015.</li> </ul>	<ul style="list-style-type: none"> <li>- Odsjek za GIS i registar prostornih jedinica</li> <li>- Odsjek za statistiku poljoprivrede, šumarstva, ribarstva i okoliša</li> <li>- Odsjek za statistiku usluga i vanjske trgovine</li> <li>- Odsjek za statistiku razvoja društva</li> </ul>	Konitnuirano (mjesečna, kvartalna i godišnja istraživanja)	586.309	583.196	567.364	<p>Provedena statistička istraživanja iz oblasti Multidomenskih statistika</p> <p>Proizvedeni pouzdani statistički podaci u skladu sa međunarodnim standardima i EU regulativama</p>
		1.1.6	Anketa o potrošnji domaćinstava (APD)	<ul style="list-style-type: none"> <li>- Zakon o statistici u Federaciji BiH</li> <li>- Strategija razvoja statistike BiH 2020;</li> <li>- Program provođenja statističkih istraživanja od interesa za FBiH za period 2013-2016</li> <li>- Plan provođenja statističkih istraživanja od interesa za FBiH za 2015.</li> </ul>	<ul style="list-style-type: none"> <li>- Odsjek za statistiku razvoja društva</li> </ul>	31.12.2017.	430.200	21.500	38.240	<p>Pokazatelji o:</p> <ul style="list-style-type: none"> <li>- novčanim izdacima domaćinstava,</li> <li>- vrijednosti potrošnje iz vlastite proizvodnje,</li> <li>- osnovnim socio-ekonomskim uvjetima u kojima domaćinstva žive,</li> <li>- podaci o pokazateljima životnog standarda,</li> <li>- podaci o osnovnim demografskim, ekonomskim i</li> </ul>

										socijalnim karakteristikama domaćinstava.
		1.1.7	Anketa o radnoj snazi (ARS)	- Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od interesa za FBiH za 2015.	- Odsjek za statistiku tržišta rada	Konitnuirano na godišnjem nivou	110.000	131.400	107.000	Pokazatelji o : - tržištu radne snage, - radno sposobnom stanovništvu, - zaposlenim i nezaposlenim, po demografskim, socioekonomskim i obrazovnim karakteristikama, - traženje zaposlenja, - sati rada, djelatnost, - karakteristike nezaposlenih i neaktivnih osoba
		1.1.8	Popis stanovništva, domaćinstva i stanova u BiH 2013	- Zakon o Popisu stanovništva, domaćinstava i stanova 2013 - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od	- Odsjek za statistiku stanovništva i registar	2017. godina	90.565	73.533	2.100	Pokazatelji o: - broju i strukturi stanovništva, domaćinstava, stanova, porodica i ostalih jedinica popisa, - teritorijalnoj raspoređenosti; - geografskim, demografskim, ekonomskim i obrazovnim karakteristikama stanovništva

				interesa za FBiH za 2015.						
		1.1.9	Popis poljoprivrede	- Zakonska regulativa (u pripremi) - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od interesa za FBiH za 2015.	- Odsjek za statistiku poljoprivrede, šumarstva, ribarstva i okoliša	2017. godina	26.000	6.898.402	30.000	- Set strukturnih podataka o poljoprivredi, - Puni statistički registar farmi, kao osnova za sva statistička istraživanja iz oblasti poljoprivrede na bazi uzorka
		1.1.10.	Pilot anketa o prihodima i životnom standardu 2015 (SILC)	- Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od interesa za FBiH za 2015.	- Odsjek za statistiku razvoja društva	31.10.2015.	8.201			Strukturni socijalni indikatori o prihodima, siromaštvu, socijalnoj isključenosti i uslovima života.

Strateški cilj 2:		Unaprijediti i razviti statistički sistem u Federaciji BiH uz jačanje statističkih kapaciteta								
Program		Aktivnost - projekat		Veza aktivnosti – projekta sa strateškim dokumentom	Nositelj (najmanji) organizacioni dio	Rok izvršenja	Budžet prve godine	Budžet druge godine	Budžet treće godine	Mjerljivi indikatori za izvršenje
2.1.	Strateško upravljanje i administracija	2.1.1	Diseminacija statističkih podataka	Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od interesa za FBiH za 2015.	- Odsjek za publicistiku - Odsjek za odnose s javnošću i biblioteka	Kontinuirano (objava mjesečnih, kvartalnih i godišnjih publikacija)	425.560	429.100	429.222	Objavljene publikacije na mjesečnom, kvartalnom i godišnjem nivou
		2.1.2.	Pravna i finansijsko-računovodstvena podrška	Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016	- Odsjek za pravne i kadrovske poslove - Odsjek za finansijsko - računovodstvene poslove	Kontinuirano	458.296	462.108	462.239	Osiguran pravni, organizacioni i finansijski temelj za razvoj statističkog sistema FBiH, usklađenog sa propisima EU i prilagođenog nacionalnim projektima

				- Plan provođenja statističkih istraživanja od interesa za FBiH za 2015.						
		2.1.3	Informaciono – tehnička podrška, razvoj statističkih metoda i baza podataka, razvoj aplikacija za unos i obradu podataka	Zakon o statistici u Federaciji BiH - Strategija razvoja statistike BiH 2020; - Program provođenja statističkih istraživanja od interesa za FBiH za period 2013-2016 - Plan provođenja statističkih istraživanja od interesa za FBiH za 2015.	- Odsjek za statističke metode i koordinaciju - Odsjek za informacijski sistem i tehničku podršku - Odsjek za razvoj baza podataka, podrška diseminaciji i unos podataka - Odsjek za razvoj aplikacije za prikupljanje podataka	Kontinuirano	621.973	627.147	627.324	- Obezbijedena Informaciono – tehnička podrška statističkim istraživanjima, - Razvijene aplikacije za unos i obradu podataka, - Kontinuirana izrada reprezentativnog uzorka za statistička istraživanja i analiza podataka - Razvoj novih i unapređenje postojećih baza podataka